

# Vizyon

## Ogmantasyon Lapey

# Lazistis Pour Tou Travayer

**S**a semenn Gouvernman in fer aryer lo size lapey pour bann Ziz e Lezot o-zofisy zidisyer. Bann proze de lawa ki ti'n ariv dan Lasanble pour met en gro logmantasyon lapey pour sa bann zofisy in ganny retire. Sa i swiv bann lobzeksyon kategorik ki parti SNP in anmennen kont sa bann propozisyon.

Sa desizyon i en lot gran laviktwar pour SNP. Gouvernman in rekonnnet ki sa ki nou ti pe dir ti byen.

Nou akey sa desizyon aköz sa bann propozisyon ti mal e enzis. Gouvernman ti pe mal antreprann sa size revizyon lapey e mannyer i ti pe fer pour Ziz ti pou anmenn ankör plis problem ki i ti pou rezourd. Me sa pa savedir ki sa size i devre ganny met dekote aprezan. O-kontrer, i nesaser ki Gouvernman i pran sa size serye e i antreprann en revizyon an ord, pour enkli tou travayer dan pei.

### KI SA KI TI PE AL MAL

Tou sa prgramm lapey pour ziz in komanse aköz Prezidan Michel ti'n anonse ki i pou apwent en etranze, en ziz sorti Uganda, pour vin prosen Sef Ziz Lakour Siprenm Sesel. Aköz devalyasyon rroupi lannen pase, nivo lapey isi Sesel in tonbe. Alor, sa Ziz Uganda ti demann 4,000 dolar pour pran sa pozisyon Sef Ziz. Gouvernman ti decide anmenn en bidze siplemanter dan Lasanble e sanz lalwa pour ofer sa ziz R65,000 par

**DESIZYON POU RETIR  
PROZE-DE-LWA POUR LAPEY  
ZIDISYER I EN VIKTWAR  
POUR SNP. PREZAN NOU  
BEZWEN FER EN REVIZYON  
LAPEY AN-ORD POUR TOU  
TRAVAYER**

mwan. Me ti evidan ki ou pa kapab pey Sef Ziz plis ki 2 fwa lapey lezot ziz, alor lapey pour lezot ziz osi ti bewen ganny revize. Proze de lwa ki ti devan lasanble ti met lapey bann o-zofisy zidizyer kour sa:

<b>Sef Ziz :</b>	<b>R65,000</b>
<b>Prezidan Lakour Dapel :</b>	<b>R65,000</b>
<b>Ziz :</b>	<b>R60,000</b>
<b>Atorni-Zeneral :</b>	<b>R60,000</b>
<b>Rezistrar :</b>	<b>R50,000</b>
<b>Mazistra :</b>	<b>R30,000</b>

Problemm se ki sa bann lapey i depas par en kantite lapey lezot travayer Governman enkli bann lezot o-zofisy. Dan en moman kot tou travayer in bezwen fer gran sakrifis aköz rroupi in perdi valer, i mal pour fer en leksepsyon pour zis en group. Sa revizyon ti pou anmenn en gro lenzistis.

### PROPOZISYON SNP

Ki sa ki Gouvernman i bezwen fer aprezan? Premyerman, i bezwen reviz son politik lo son swa Sef Ziz. I annan Seselwa ki kapab pran sa pozisyon. Alor nou pa bezwen ganny forse reviz

lapey zis pour kapab anploy en sel boug sorti Uganda.

Si Ziz Bernardin Renaud ti ganny apwente Sef Ziz Par Enterim, se aköz Gouvernman ti rekonnnet son kapabilite. Alor gouvernman i devre konfirm li dan sa pozisyon lo en nivo lapey rezonnab pour sa pozisyon, anliny avek lalwa ki ekziste konmela. Nou kwar ki Ziz Bernardin Renaud i pou pare pou servi son pei e i pa pou met Gouvernman otaz lo size lapey.

Toud'swit, Gouvernman i bezwen antreprann en revizyon saler pour tou servis piblik me osi sa lapey minimonm dan sekter prive. Sa i merit pran ka sa diminyasyon dan lavalaler rroupi ki'n arive aköz devalyasyon.

### REVIZYON AN-ORD

Sa ki nesaser se ki revizyon lapey i ganny fer an-ord, an tenan kont reponsabilite tou kalite travay, depi anba ziskan lao. Koumsa, Ziz i ganny konsidere an relasyon avek zot travay e non pa zis aköz en sel boug. Met en lapey pour Sef Ziz ki ale ek son reponsabilite e non pa aköz i en etranze.

Gouvernman i bezwen fer en striktir saler pour tou servis piblik e pran mezir ki sa i aplik pour tou travayer dan pei, enkli sekter prive. Sa revizyon i devre pran kont sa diminyasyon ki'n arive dan lavalaler rroupi. Sa se sel mwayen pour anmenn lazistis. E pour enn fwa, nou bezwen komans fer keksoz ki anmen lazistis.

# Politik Bon Marse lo Later Roche Caiman

**N**ou Seselwa, nou fatigue war SPPF pe fer sa ki zot oule avek later ek zil Sesel, e apre vin fer politik konmsi zot pe protez drwa Seselwa.

De-trwa lannen pase, SPPF ti vann en bout later danbor Stadium Roche caiman ek en msye Arab apele Msye Lootah, san ki zot ti demann permisyon ek personn. Sa msye Arab ti en gran dalon James Michel ek Simone de Commarmond. Toultan zot ti pe sant son laglwar koman en investiser ki kontan Sesel. In fer kando plizyer dimoun e i annan ki dwa li en kantite. Me sa Msye ti perdi son lavi dan en aksidan misteye dan lanmer North-East Point.

Ozordi, Jovana Charles pe rod sipor SNP pou sezi e "acquire" later sa boug. Ler SNP i dir i devre annan en manyer pli serye lo manye bann later i ganny donnen, zot dit nou pa patriotik. Be ler ou'n donnen e ou'n pran larzan, ou bezwen respekte. Ou pa kapab zis pran later dimoun san pas par prosedir lakour. Prezan, Madanm Charles i dir ki SNP pa pe siport zabitan Roche Caiman.

## Mersi tou Siporter

SNP i remersye tou dimoun pour zot sipor dan tou aktivite ki parti in organize an Zen. Nou remersye zabitan Praslin ek Mahé pour zot prezans kot aktivite le 20 Zen e a-lokazyon lafet Lendepandans. Nou kontinyen travay pou anmenn sanzman neser dan nou pei pour byennet nou pep. **Nou Pa Pou Zanmen Les Tonbe!**

## PAS PARTOU

### Kato pe aprann koze

Kato SPPF dan Lasanble, sa pti madanm ki fek ne yer, me ki konn plis ki tou dimoun, in komans esey koz san lir son papye. Malerezman olye koze i begeye! I kler ki ti pou meyer pour Mr. Michel pret li son bann lekipman teknik. Omwen i ava aret begeye e fer tou sa bann grimas avek son 'la bouche'!

### Lasanble Lanterman?

Depi ki SPPF i bezwen aret met semiz a-fler pou vin dan Lasanble, zot in deside pou pa met kravats, me plito met semiz lamans long. Deko i byen ankoler aköz li i kontan son kra-

Sanmenm sa politik bon marse ki James Michel fek pe dir ki fodre aret fer. I paret alors ki son prop reprezantan pan'n konpran sa ki i ti a pe dir.

Sa later Lootah, se en later ki ti ganny vann pour 1 milyon dollar pou ganny larzan pou pey konblaz. La ki in mor, son bann ansyen dalon i bliy tou sa dibyen ki defen Lootah in fer pou zot e zot anvi sezi son later.

Lootah ti'n ganny permisyon pou konble en pti zil devan sa lans e apre fer en lotel ek et "marina". Bann gran voras dan SPPF in apre donn sa menm proze ek Eden Island e la zot dir ki Lootah in kas kondisyon kontra.

Gete, Pep Seselwa, ki mannyer SPPF i

malonnet. I fer krwar ki i ou dalon e zis konman ou mor, I sot lo ou byen e bliye ki ou annan zeritye.

Nou dan SNP, nou dir ki gouvrenman i bezwen negosye ek zeritye e apre aste sa later si fodre. Sa lepok zis vini e pran kek-soz dimoun in fini e sanmenm sa mantalite ki'n fer dimoun napa konfyans dan gouvrenman. Eski zot pe rekonmans ankor sa vilen mantalite.

En Kestyon pour Madanm Charles: Ou ki'n byen pase ek en zoli bout later lo lans, aköz ou pa ti mazin zabitan Roche Caiman avan. Si ou annan lenterne zabitan sitan aker, alors rann sa bout later ki ou'n benefisye. Lasarite i konmans kot ou lakour, pa lo later ou kanmarad.

## SBC: Dezonnnet pou protez SPPF

**I**kler ki ozordi gouvrenman i ankor pe lenterfer dan travay SBC. Bann profesyonnel dan sa lorganizasyon pa ganny permet fer zot travay dan en fason lib e zis.

Premyerman problemn i vin avek lapwentman bann dimoun ki pran desizyon kot SBC. Son tyermenn bord, Denis Rose e Vis-tyermenn, Jeanne Simeon pa de dimoun endepandan. Zot travay koman Sekreter-prensipal dan de diferan minister e Jeanne Simeon i en aktivis SPPF. I kler avek ki zot pran lord.

Ibrahim Afif ki dan pos Managing Director pou pros 20an, li osi i zis swiv lord. Dan son biro i annan en telefonn 'rouz' ki zis State House ki call li pou dir li ki pour fer.

Finalman i annan Antoine Onezime koman Redakter An Sef, ki pirman en lapwentman politik koman son rekonpans pou al marse dan en pickup dan rali laviktwar SPPF.

vat. Malerezman aprezan, tou le Mardi nou war en group zonn rantré dan semiz blan, lanmans long, parey en bann boug ki pe al lanterman. Petet zot andey pour SPPF e pe prepar zot pour lanterman Parti Lepep!

### Parad Moter Maroken!

Mr. René ti vremen ankoler letan i ti war sa 'motorcade' James Michel rantré dan stad pour le 18 Zen. I ti dir ki vremen sa boug nepli pre avek son pep. Olye rod lanbilans pour lepep Seselwa, Michel in prefere demann 7 gro moter Honda ki pran 2 dimoun. Ti osi annan 4 prado ek en gro loto BMW. Sa i vremen limaz en boug ki pa fer politik bonmarse, me plito politik byen ser!

Lanbisyon i fer li war zis Jj!

SBC in komans en kanpanny pou esey abes SNP. Zot in envant en nouvo tit pour Dirizan Lopoziyon, dan en lesey pou abes lenportans sa pozisyon lo lasenn politik nasyonnal, kontrerman avek lartik 84 nou konstitisyon.

Ozordi sa lorganizasyon i permet en kek-soz, me deswit i sanz son regleman, si gouvrenman i santi ki sa pa bon pour li. Lekzanp i atraver mesaz msye Ramkalawan ki ti pas lo SBC boner an Zen. San okenn rezon valab, SBC in enform nou ki msye Rose in dir bann tel mesaz pa kapab pas ankor lo SBC. Sanmenm sa stasyon lepep endepandan?

En gouvrenman SNP pou sanz lafason SBC i travay. Sa lorganizasyon pou vin endepandan san lenterferans politik. Son bann travayer pou vin pli profesyonnel e lib dan lafason zot travay. Nou pou reviz lalwa SBC e donn Sesel en lorgnizasyon ki pou fer nou tou fyer. Seselwa i bezwen ganny bon lenformasyon lo sa ki pe pase dan son pei. Nou fatigue avek mansonz ek bat latet.

## Konfizyon dan SPPF

Zis detrwa semenn apre ki nouvo prezidan parti SPPF in donn lord bann aktivis son parti pou retourn lo peron lepep, ozordi son bann MNA pe dir 'met politik peron de kote.' Ki sa i vedir? I napa kontrol lo bann manm Lasanble son parti, ki konsider zot lekor koman bann zonn René. Travay politik SNP lo teren pe fatig Mr. Michel e alor i oule swiv nou, pangar i perdi ankor plis popilarite. Napa lespwar. Lepep Seselwa i oule sanzman e zot pe vot pour SNP.

# SNP Nou Pou Touzour La Pour Zot